



Adresa: **Ul. Hamdije Čemerlića 39 a**  
71000 Sarajevo  
<http://www.voda.ba>

tel. +387 33 726 400;  
fax. +387 33 726 423;  
e – mail: [info@voda.ba](mailto:info@voda.ba) .

Broj: **20-174-28/23**  
Datum: 20.7.2023. godine  
Interni broj nabavke: **20-135-7/23**

Na osnovu člana 70. Zakona o javnim nabavkama ("Službeni glasnik BiH", broj 39/14, 59/22) i Preporuke iz Zapisnika broj: 20-174-26/23 od 19.7.2023. godine, uz primjenu otvorenog postupka, donosim

**ODLUKU**  
**o izboru najpovoljnijeg ponuđača za javnu nabavku usluga**

**"Ažuriranje Studije hidromorfoloških pritisaka i procjene njihovih uticaja za vodotoke preko 10 km<sup>2</sup> površine sliva na vodnom području rijeke Save u Federaciji BiH"**

**Obavještenje o nabavci br.: 1132-1-2-25-3-15/23**

Član 1.

Kao najpovoljniji ponuđač za javnu nabavku usluga **"Ažuriranje Studije hidromorfoloških pritisaka i procjene njihovih uticaja za vodotoke preko 10 km<sup>2</sup> površine sliva na vodnom području rijeke Save u Federaciji BiH"** bira se Grupa ponuđača **IPSA INSTITUT d.o.o. SARAJEVO i INSTITUT ZA ELEKTROPRIVREDU d.d. Zagreb**, ul. Put života bb, registrovan kod Općinskog suda u Sarajevu, MBS:65-01-0341-12, JIB:4200032270003, za ponuđenu cijenu **256.400,00 KM bez PDV-a**, odnosno **299.988,00 KM sa PDV-om**.

Član 2.

Grupi ponuđača **IPSA INSTITUT d.o.o. SARAJEVO i INSTITUT ZA ELEKTROPRIVREDU d.d. Zagreb** će se dodjeliti prijedlog ugovora za javnu nabavku iz člana 1. ove Odluke nakon što svi ponuđači budu obaviješteni o izboru najpovoljnije ponude.

Član 3.

Za izvršenje ove odluke zadužuje se Sektor za planiranje Agencije za vodno područje rijeke Save, Sarajevo.

Član 4.

Sredstva za zaključenje ovog ugovora će se koristiti iz Plana i Finansijskog plana Agencije za 2023. godinu, ekonomski kod 614819111, stavka Plana A.1.1.

Član 5.

Ova odluka će se objaviti na web-stranici [www.voda.ba](http://www.voda.ba), istovremeno s upućivanjem odluke

ponuđaču koji je učestvovao u postupku javne nabavke, shodno članu 70. Stav (6) Zakona o javnim nabavkama.

## Član 6.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. Stav (2) Zakona o javnim nabavkama.

## OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 20 – 174– 3/23 od 6.2.2023. godine. Javna nabavka je provedena putem otvorenog postupka. Procijenjena vrijednost nabavke bez PDV-a je 256.400,00 KM. Obavještenje o nabavci broj: 1132-1-2-25-3-15/23 je poslato na objavu i objavljeno na portalu javnih nabavki dana 14.02.2023. godine.

Sa web portala "e-Nabavke" [www.ejn.gov.ba](http://www.ejn.gov.ba) tendersku dokumentaciju su preuzeli sljedeći ponuđači:

1. EKAPIJA DOO
2. BBS EUROPE
3. IPSA INSTITUT DOO
4. BROTEK
5. "SENDO" D.O.O. SARAJEVO
6. ENERGOINVEST, D.D. - SARAJEVO
7. ENOVA D.O.O. SARAJEVO
8. DOO INSTITUT ZA VODE BIJELJINA
9. GEOPUT D.O.O. BANJA LUK
10. DVOKUT - ECRO D.O.O.
11. ZAVOD ZA VODOPRIVREDU D.D. SARAJEVO
12. VODOPRIVREDNO-PROJEKTNI BIRO D.D.
13. CENTAR ZA RAZVOJ MEDIJA I ANALIZE
14. TQM D.O.O. LUKAVAC
15. TEAM HIDRO D.O.O. SARAJEVO
16. PRONING DHI D.O.O.
17. INSTITUT ZA ELEKTROPRIVREDU D.D.
18. INSTITUT ZA GRAĐEVINARSTVO "IG" BANJA LUKA
19. ŠKOLSKA NAKLADA
20. PROTEHNIK
21. INS ENERGY DOO
22. ZAVOD ZA VODOPRIVREDU D.O.O. BIJELJINA
23. GRAĐEVINSKI FAKULTET

Komisija za nabavku imenovana je Rješenjem broj: 20–174–5/23 od 14.2.2023. godine i Rješenjem o izmjeni rješenja br.: 20-174-22/23. od 30.6.2023. godine. Komisija za javnu nabavku je blagovremeno i pravilno izvršila otvaranje ponude i ocjenu pristigle ponude, o čemu je sačinila zapisnik o otvaranju ponude i zapisnik o pregledu i ocjeni ponude, u kojima je utvrđeno sljedeće:

Da je ukupan broj preuzimanja tenderske dokumentacije 23 (slovima: dvadeset tri)

Da je ukupan broj pristiglih ponuda 3 (slovima: tri)  
Da je ukupan broj blagovremeno zaprimljenih ponuda 3 (slovima: tri)  
Da nema neblagovremeno zaprimljenih ponuda  
Da je ponuda 1 (slovima: jednog) ponuđača prihvatljiva.  
Da su 2 (slovima: dvije) ponude ocijenjene kao neprihvatljive.

U postupku donošenja ove odluke, Komisija je pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

Ponuđač Institut za građevinarstvo „IG“ Banja Luka nije dostavio dokaze tražene u tački 3.1. alineja c) pod I Tenderske dokumentacije kojim se od ponuđača traži da je tehnički i profesionalno sposoban za realizaciju predmetnog ugovora, tj. da ima uspješno iskustvo u realizaciji najmanje jednog (1) ugovora u posljednje tri (3) godine koji se odnose na (ili čiji je predmet) realizacija projekata i/ili studija i/ili programa iz oblasti analize hidromorfoloških pritisaka i procjene njihovih uticaja na vodotoke i/ili programi/planovi poboljšanja hidromorfoloških karakteristika vodotoka i/ili programi/planovi za revitalizaciju vodotoka. U svrhu dokazivanja tehničke i profesionalne sposobnosti ponuđač je dužan dostaviti Spisak izvršenih ugovora (referenc lista, Aneks XII) i Potvrde o uspješno izvršenim uslugama. Ponuđač Institut za građevinarstvo „IG“ Banja Luka dostavio je Aneks XII Referenc listu ovjerenu, ali bez navedenog niti jednog projekta.

Nadalje, ponuđač Institut za građevinarstvo „IG“ Banja Luka nije dostavio dokaze tražene u tački 3.1. alineja c) pod II Tenderske dokumentacije da tehnička lica koja su uključena u realizaciju projekta (ne moraju biti stalno zaposlena kod ponuđača nego mogu biti angažovana po drugom osnovu), za koje je, u skladu sa Tenderskom dokumentacijom, u svrhu dokazivanja bilo potrebno dostaviti CV (Aneks V), sa pobrojanim referencama koje se odnose na radno iskustvo traženo tačkom 3.1 c) II i navedenim godinama radnog iskustva, kopiju diplome, kopiju ugovora o angažovanju lica koja nisu zaposlena kod ponuđača, te spisak nominovanog ključnog osoblja sa godinama staža (Aneks XVII). Ponuđač Institut za građevinarstvo „IG“ Banja Luka dostavio je jedan primjerak Aneksa V koji je ovjeren, ali nije popunjen, te Aneks XVII spisak nominovanog ključnog osoblja sa godinama staža koji je ovjeren, ali nije popunjen. Također, nije priložena niti jedna kopija diplome.

Nadalje, ponuđač Institut za građevinarstvo „IG“ Banja Luka nije dostavio dokaze tražene u tački 3.1. alineja c) pod III Tenderske dokumentacije koji se odnosi na minimalnu potrebnu opremu za izvršenje posla. U svrhu dokazivanja bilo je potrebno dostaviti izjavu o tehničkoj opremljenosti (Aneks VI). Ponuđač Institut za građevinarstvo „IG“ Banja Luka dostavio je Aneks VI koji je ovjeren, ali nije popunjen.

Nadalje, ponuđač Institut za građevinarstvo „IG“ Banja Luka je dostavio Izjavu iz člana 45. ZJN-a (Aneks III), kopiju Izvoda iz sudskog registra, Izjavu iz čl. 52. ZJN-a (Aneks VII) koje nisu ovjerene od strane nadležnog organa, dakle suprotno odredbama predmetne t.d. i ZJN-a. Također, ponuđač Institut za građevinarstvo „IG“ Banja Luka nije dostavio garanciju za ozbiljnost ponude, a što je zahtijevano tačkom 5.6 predmetne t.d., te nije, u Aneksu XVI označio da li ima namjeru da angažuje podugovarača, a što je zahtijevano tačkom 5.7 predmetne t.d.

Grupa ponuđača Zavod za vodoprivredu d.d. Sarajevo i ENOVA d.o.o. Sarajevo nije dostavila dokaze tražene u tački 3.1. alineja c) pod I Tenderske dokumentacije kojim se od ponuđača traži da je tehnički i profesionalno sposoban za realizaciju predmetnog ugovora, tj. da ima uspješno iskustvo u realizaciji najmanje jednog (1) ugovora u posljednje tri (3) godine koji se odnose na (ili čiji je predmet) realizacija projekata i/ili studija i/ili programa iz oblasti analize hidromorfoloških pritisaka i procjene njihovih uticaja na vodotoke i/ili programi/planovi

poboljšanja hidromorfoloških karakteristika vodotoka i/ili programi/planovi za revitalizaciju vodotoka. U svrhu dokazivanja tehničke i profesionalne sposobnosti ponuđač je dužan dostaviti Spisak izvršenih ugovora (referenc lista, Aneks XII) i Potvrde o uspješno izvršenim uslugama. Grupa ponuđača Zavod za vodoprivredu d.d. Sarajevo i ENOVA d.o.o. Sarajevo dostavila je Aneks XII Referenc listu ovjerenu sa jednom referencom Ažuriranje Plana upravljanja vodama za vodno područje rijeke Save u Federaciji BiH. Izrada Plana upravljanja vodama i njegovo ažuriranje je kompleksan proces koji se, u skladu sa Zakonom o vodama Federacije BiH, provodi svakih šest godina. Planom upravljanja vodama hidromorfološke promjene su prepoznate kao jedno od značajnih pitanja upravljanja vodama. Značajne hidromorfološke promjene i njihovi mogući utjecaji na status kvaliteta površinskih vodnih tijela predstavljaju jednu od ključnih opasnosti u pogledu dostizanja ekoloških ciljeva. Skoro sve infrastrukturne aktivnosti, koje se provode unutar vodnih tijela, kao što su zahvatanje vode, regulacija proticaja (brane, ustave, ...), izgradnja odbrambenih nasipa i sl., nazivaju se hidromorfološki pritisci, jer iste dovode do značajnih hidromorfoloških promjena u pogledu strukture i površine vodnog tijela kao i promjene prirodnog režima tečenja. Hidromorfološki pritisci mogu imati za posljedicu promjenu obalne strukture, sastava i pada riječnog korita, promjenu nivoa/proticaja ili povećanu eutrofikaciju što sve direktno utiče na sastav i količinu akvatične flore i faune, a samim tim i na "dobar status" vodnog tijela. Prilikom ažuriranja Plana upravljanja vodama ne vrše se terenska istraživanja, nego se preuzimaju gotovi podaci i analize iz već završenih studija koje je Agencija ranije pripremila (analiza pritisaka, vodosnabdijevanje, deponije, hidromorfologija) i stavila na raspolaganje Konsultantu koji priprema ažuriranje Plana upravljanja vodama za narednih šest godina. Prema tome, referenca koju navodi Grupa ponuđača Zavod za vodoprivredu d.d. Sarajevo i ENOVA d.o.o. Sarajevo se ne može uzeti u razmatranje, jer se u istoj nije obrađivalo ono što je traženo u tački 3.1. alineja c) pod I Tenderske dokumentacije.

Iz svega navedenog vidljivo je da na osnovu ove reference Grupa ponuđača nije dokazala da ima znanje i sposobnosti za realizaciju predmetne Nabavke, a za šta je potrebno uraditi sljedeće:

- Prikupljanje terenskih podataka prema Smjernicama za ocjenjivanje hidromorfoloških osobina rijeka (BAS EN 14614).
- Na prethodno određenim lokacijama terenskog istraživanja provesti terensko istraživanje, hodanjem uzduž riječne obale gdje god je moguće. Na lokaciji terenskog istraživanja pronaći najbolju tačku snimanja, na kojoj će se vidjeti najviše hidromorfoloških parametara ili hidrotehnički objekti i građevine. Pri tome voditi računa o dostupnosti lokacije, zbog budućih usporedbi (monitoringa). Na svakoj tački napraviti fotografije, videozapisom snimiti lokaciju (minimalno 180°u horizontalnom smislu s početkom od nizvodne lokacije), odrediti koordinate tačke snimanja i nadmorsku visinu, te ispuniti formular (iz Projektnog zadatka).
- Provesti ocjenjivanje hidromorfoloških parametara prema Projektnom zadatku, koji je u skladu sa Standardnim uputstvom za određivanje stepena modifikacije riječne hidromorfologije (važeći BAS EN standard).
- Ocjenjivanje hidromorfoloških parametara odsječka izvršiti nakon obilaska odsječka popunjavanjem formulara (iz Projektnog zadatka). Bodovanje parametara se izvršiti na temelju kvantitativnih i kvalitativnih podataka.
- Podatke iz formulara, te prateće fotografije i videozapise potrebno je pregledati u uredu. Na temelju svih prikupljenih podloga i stručne procjene, potrebno je potvrditi ili eventualno izmijeniti ocjene pojedinih parametara donesene pri terenskom istraživanju. Također je potrebno dopuniti ocjene parametara koji se nisu mogli ocijeniti na terenu, dopunjavanjem formulara, (Učinci promjena širom sliva na karakter prirodnog toka, Učinci promjene u dnevnom protoku, Tlocrtni oblik...), a sve prema Uputama za popunjavanje terenskih protokola (iz Projektnog zadatka).

- Odrediti ukupne ocjene glavnih kategorija (Morfologija, Hidrologija i Uzdužna povezanost) temelji se na Projektnom zadatku i Standardnom uputstvu za određivanje stepena modifikacije riječne hidromorfologije
  - Definirati jako izmjenjena i vještačka vodna tijela.
  - Jedinstvena ocjena za odsječak donosi se prema preporuci u normi važećeg BAS EN standarda. Jedinstvenu ocjenu odrediti kao prosjek 16 rezultata, koji se nalaze u ispunjenom formularu, uz zaokruživanje naviše ili naniže na najbliži cijeli broj.
- Nakon izvršenih terenskih radova i ocjenjivanja odsječaka pristupa se određivanju jedinstvene ocjene hidromorfološke promjene vodnog tijela, na osnovi jedinstvenih ocjena hidromorfološke promjene odsječaka kao manjih jedinica istraživanja vodnog tijela, uzimajući u obzir relativnu dužinu odsječaka prema težinskom koeficijentu. Na taj način će se kreirati jedinstvena ocjena hidromorfološke promjene vodnog tijela, koja pripada jednoj od pet kategorija hidromorfološke promjene, a klasifikacijski pojmovi, te pripadajuće boje koje se koriste za prikaze na karti su, prema preporuci u BAS EN normi. Nakon završenog ocjenjivanja vodnih tijela potrebno je ažurirati Studiju urađenu 2017. godine u skladu sa BAS EN 14614:2022 Kvaliteta vode - Smjernice za ocjenjivanje hidromorfoloških osobina rijeka, kako bi se došlo do saznanja o promjenama na vodnim tijelima i o efektima propisanih mjera.
- Po završetku Ažuriranja Studije iz 2017. godine potrebno je izraditi program mjera za poboljšanje, tj. sanaciju/ublažavanje hidromorfoloških pritisaka, te finansijsku procjenu mjera za poboljšanje hidromorfoloških karakteristika vodnih tijela, te popuniti/ažurirati bazu podataka Ugovornog organa u skladu sa Projektnom zadatkom.
- Grupa ponuđača nije dostavila valjane dokaze da posjeduje relevantno iskustvo na ovakvim poslovima, nego da su koristili preuzete podatke i iste unijeli u Ažurirani Plan upravljanja vodama za vodno područje rijeke Save u Federaciji BiH.

Nadalje, grupa ponuđača Zavod za vodoprivredu d.d. Sarajevo i ENOVA d.o.o. Sarajevo nije dostavila dokaze tražene u tački 3.1. alineja c) pod II Tenderske dokumentacije koja se odnosi na ključno osoblje da tehnička lica koja su uključena u realizaciju projekta (ne moraju biti stalno zaposlena kod ponuđača nego mogu biti angažovana po drugom osnovu), za koje je, u skladu sa Tenderskom dokumentacijom, u svrhu dokazivanja bilo potrebno dostaviti CV (Aneks V), sa pobrojanim referencama koje se odnose na radno iskustvo traženo tačkom 3.1 c) II i navedenim godinama radnog iskustva, kopiju diplome, kopiju ugovora o angažovanju lica koja nisu zaposlena kod ponuđača, te spisak nominovanog ključnog osoblja sa godinama staža (Aneks XVII). Grupa ponuđača Zavod za vodoprivredu d.d. Sarajevo i ENOVA d.o.o. Sarajevo dostavila je ovjeren Aneks V CV i ovjeren Aneks XVII spisak nominovanog ključnog osoblja sa godinama staža. Uvidom u dostavljene CV-jeve za ključno osoblje navedeno u ponudi Grupa ponuđača Zavod za vodoprivredu d.d. Sarajevo i ENOVA d.o.o. Sarajevo ustanovljeno je da dio osoblja nominovano za pozicije tražene u tački 3.1. alineja c) pod II Tenderske dokumentacije za poziciju 2. i osoba nominovana za poziciju 3. ne zadovoljava tražene kriterije.

Naime, za poziciju 2. su tražena četiri inženjera građevinarstva, odsjek za hidrotehniku. Dva predložena inženjera nisu dokazala da posjeduju traženo iskustvo. Inženjeri iz čijih CV-jeva se nije moglo zaključiti da posjeduju radno iskustvo u sudjelovanju u realizaciji najmanje jednog (1) projekta iz oblasti analize hidromorfoloških pritisaka i/ili procjene njihovih uticaja na vodotok i/ili poboljšanja hidromorfoloških karakteristika vodotoka i/ili programi/planovi za revitalizaciju vodotoka su Alma Bibović, dipl. inž. građ i Zlatan Hrelja, dipl. inž. građ.

Za poziciju 3. tražen je jedan (1) biolog i za ovu poziciju je nominovana prof. dr. Sadbera Trožić Borovac, dipl. biol., iz čijeg CV-ja se nije moglo zaključiti da posjeduje radno iskustvo u sudjelovanju u realizaciji najmanje jednog (1) projekta iz oblasti analize hidromorfoloških pritisaka i procjene njihovih uticaja na živi svijet (floru i faunu) vodenih, i uz vode vezanih ekosistema i/ili programima/studijama poboljšanja hidromorfoloških karakteristika vodotoka i/ili programima/studijama revitalizacije vodotoka.

S obzirom da je primljena samo jedna prihvatljiva ponuda, na osnovu člana 3. Pravilnika o uslovima i načinu korištenja e aukcije, e aukcija se ne zakazuje.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku. Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, neosporno je da je izabrani ponuđač, najbolje ocijenjen, kao jedini sa prihvatljivom ponudom, kako slijedi:

PONUĐAČ	Cijena na (javnom) otvaranju KM (bez PDV-a)
Grupa ponuđača IPSA INSTITUT d.o.o. SARAJEVO i INSTITUT ZA ELEKTROPRIVREDU d.d. Zagreb	256.400,00



Iz navedenih razloga odlučeno je kao u dispozitivu .

#### PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama. Žalba se podnosi u najmanje 3 primjerka Agenciji za vodno područje rijeke Save, Sarajevo. Žalilac je obavezan platiti naknadu za pokretanje žalbenog postupka u iznosu od 3.500,00 KM (član 108. stav (1) tačka d) Zakona o javnim nabavkama).

Dostaviti:

- Ponuđaču
- Sektor za ekonomske, pravne i opšte poslove
- Sektor za planiranje
- a/a

 DIREKTOR  
  
Sejad Delić, dipl.inž.